



Ректорын 2004 оны 5-р сарын 19-ны
117 тоот тушаалын хавсралт

Шинжлэх Ухаан Технологийн Их Сургуулийн Ёслолын хувцасны загвар, хэрэглэх журам

Нэг. Нийтлэг үндэслэл

Ёслолын хувцас нь ШУТИС-ийн нэр төрийн бэлэгдэл төдийгүй зэрэг, цол олгох ёслолын ажиллагааны сүр хүчийг илэрхийлнэ.

Хоёр. Ёслолын хувцасны хэв загвар

2.1. Ёслолын хувцсыг дараахь байдлаар ангилна. Үүнд:

Хүндэт докторын ёслолын хувцас

Докторын ёслолын хувцас

Хүндэт магистрын ёслолын хувцас

Магистрын ёслолын хувцас

Бакалаврын ёслолын хувцас

2.2. Хувцасны бүрэлдэхүүн

Хүндэт докторын хувцас нь малгай, өмсгөл хоёроос бүрдэнэ.

Доктор, магистрын хувцас нь өмсгөл, нөмрөг, малгай гурваас бүрдэнэ.

Бакалаврын хувцас нь өмсгөл, малгай хоёроос бүрдэнэ.

2.3. Хувцасны гадаад байдлын тодорхойлолт:

2.3.1. Хүндэт докторын хувцас. Хувцас нь дэлхийн улс орнуудын их сургуулийн ёслолын хувцасны нийтлэг жишигт үндэслэсэн, монгол үндэсний хувцасны зарим онцлог болон ШУТИС-ийн өнгөний бэлэгдлийг тусгасан байна. /Зургийг 1-р хавсралаар үзүүлэв/

Өмсгөл нь: хөх өнгийн торгоор хийгдэх бөгөөд сул чөлөөтэй хэлбэртэй, энгэр нь уулзсан зөрлөгтэй, ханцуй нь үзүүрээрээ өргөссөн хэлбэртэй, давхарлагатай, энгэртээ гурван ширхэг зангидмал товч, шилбэтэй, энгэр болон ханцуйны үзүүрээр 2.0 см-ийн өргөнтэй шар торгон эмжээртэй.

Малгай нь: дэлхийн улс орны их сургуулиудын ёслолын хувцасны нийтлэг жишгээр хийгдсэн, монгол үндэсний хувцасны шинжийг агуулсан улаан залаатай, шар торгоор 2.0 см-ийн өргөнтэй эмжсэн, малгайны дээд хүрээгээр нарийн шар эмжээртэй, 4 өнцөгт нь зангидмал суурь бүхий цацагтай байна.

Дагалдах хэрэглэл: Малгай болон өмсгөлд зориулалтын уут дагалдах бөгөөд эдгээр дээр ШУТИС-ийн эмблемийг хатгамлаар гүйцэтгэсэн байна.

2.3.2. Докторын хувцас. Хувцас нь дэлхийн улс орны их сургуулиудын ёслолын хувцасны нийтлэг жишигт үндэслэсэн, ШУТИС-ийн өнгөний бэлэгдлийг тусгасан байна. /Зургийг 2-р хавсралтаар үзүүлэв/

Өмсгөл нь хар өнгийн сатин буюу атлас материалаар хийгдэх бөгөөд сул чөлөөтэй хэлбэртэй, энгэр нь уулзсан зөрлөгтэй, цахилгаан товчоор товчлогдсон, энгэр, арын дээд хэсэгт хөндлөн оруулгатай, ар дээр 7, энгэрт 6 нугалаатай, ханцуй нь үзүүрээр өргөссөн хэлбэртэй. Ханцуйн үзүүр алтан шар өнгийн материалаар 5.0 см, 1.0 см-ийн өргөнтэй эмжигдсэн байна.

Нөмрөг нь энгэр рүүгээ хошуу, ар руугаа дөрвөлжилсөн хошуу хэлбэртэй, өмсгөлтэй ижил материалаар хийгдсэн, 5.0 см, 7.0 см-ийн өргөн алтан шар өнгийн даавуугаар эмжигдсэн, доторлогдсон байна.

Малгай нь дэлхийн улс орны их сургуулиудын ёслолын хувцасны нийтлэг жишгээр хийгдсэн, малгайны голоос гарсан зангидмал суурь бүхий шар өнгийн цацган унжлагатай байна.

2.3.3. Хүндэт магистр, Магистрын хувцас Хувцас нь дэлхийн улс орны их сургуулиудын ёслолын хувцасны нийтлэг жишигт үндэслэлсэн, ШУТИС-ийн өнгөний бэлэгдэл, мэргэжлийн онцлогийг тусгасан байна. /Зургийг 3-р хавсралтаар үзүүлэв/

Өмсгөл нь хар хөх өнгийн сатин буюу атлас материалаар хийгдэх бөгөөд цол чөлөөтэй хэлбэртэй, энгэр нь уулзсан зөрлөгтэй, цахилгаан товчоор товчлогдсон, энгэр арын дээд хэсэг оруулгатай, ар дээр 7, энгэрт 6 нугалаатай, ханцуйны их биетэй залгагдах хэсэгт хуниас гаргасан, ханцуйны үзүүрийг уртасган, хэлбэр гаргасан байна.

Нөмрөг нь энгэр, ар руугаа хошуу хэлбэртэй, өмсгөлтэй ижил өнгийн материалаар хийгдсэн, 3.0 см-ийн өргөнтэй шар өнгийн материалаар эмжигдсэн байна. Мэргэжлийн онцлогийг тусгасан өнгийн торгомсог материалаар доторлогдсон байна. Мэргэжлийн онцлогийг тусгасан материалын өнгө нь:

- инженерийн ухаан – цэнхэр
- байгалийн ухаан – гүн ногоон
- арт, дизайн – цагаан
- эдийн засаг, менежмент – ягаан
- хүмүүнлэгийн ухаан – оюу ногоон өнгөтэй байна.

Малгай нь дэлхийн улс орны их сургуулиудын ёслолын хувцасны нийтлэг жишгээр хийгдсэн, малгайны голоос гарсан зангидмал суурь бүхий шар өнгийн цацган унжлагатай байна.

2.3.4. Бакалаврын хувцас. Магистрын хувцасны адил хийц загвартай боловч нөмрөг өмсөхгүй. /Зургийг 4-р хавсралтаар үзүүлэв/

Өмсгөл нь хар хөх өнгийн сатин буюу атлас материалаар хийгдэх бөгөөд цол чөлөөтэй хэлбэртэй, энгэр нь уулзсан зөрлөгтэй, цахилгаан товчоор товчлогдсон, энгэр арын дээд хэсэгт хөндлөн оруулгатай, ар дээр 7, энгэрт 6 нугалаатай, ханцуйны их биетэй залгагдах хэсэгт хуниас гаргасан, ханцуйны үзүүрт уртасган хэлбэр гаргасан байна.

Малгай нь дэлхийн улс орны их сургуулиудын ёслолын хувцасны нийтлэг жишгээр хийгдсэн, малгайны голоос гарсан зангидмал суурь бүхий шар өнгийн цацган унжлагатай байна.

Гурав. Ёслолын хувцсыг өмсөх журам

3.1. Ёслолын хувцсыг зэрэг, цол олгох арга хэмжээний үеэр өмсөнө.

3.2. Төгсөгчид нь өмсгөлдөө гүн хүндэтгэлтэй хандаж, ёслолын ажиллагааны туршид дэг жаягийн дагуу өмсөж хэрэглэнэ.

3.3. Ёслолын хувцсыг өмсөхдөө дараахь дэг жаягийг баримтлана. Үүнд:

Хүндэт доктор – Докторын өмсгөлийг цол гардуулахаас өмнө өмссөн байх бөгөөд цол гардуулсны дараа ШУТИС-ийн хүндэтгэлийн одонг зүүж, малгайг өмсөнө.

Доктор, Магистр - Өмсгөл, малгайг бүрэн өмссөн байна. Нөмрөгийг доктор, магистрын зэргийн диплом авсны дараа өмсөнө. Цацгийг цол, зэрэг гардан авахаас өмнө малгайны баруун тал руу нь унжуулсан байдлаар өмсөх бөгөөд цол, зэрэг гардан авсны дараа зүүн тал руу нь байрлуулах бөгөөд энэ нь доктор, магистрын зэрэгтэй мэргэжилтэн болсныг илтгэнэ.

Бакалавр - Ёслолын ажиллагааны эхэнд зөвхөн өмсгөлийг өмссөн байх бөгөөд диплом, энгэрийн тэмдгийг гардан авсны дараа малгайг өмсөнө. Малгайны цацаг зүүн тал руугаа унжсан байна.

ШУТИС-ийн ёслолын хувцасны загвар,
хэрэглэх журмын 1 дүгээр хавсралт

Хүндэт докторын хувцас



Хүндэт доктор

ШУТИС-ийн ёслолын хувцасны загвар,
хэрэглэх журмын 2 дүгээр хавсралт

Докторын хувцас



28

ШУТИС-ийн ёслолын хувцасны загвар,
хэрэглэх журмын 3 дүгээр хавсралт

Магистрын хувцас



И.Т.Т.С. - это единственное учреждение
в области культуры и искусства

Самостоятельно

